



服部文庫  
117  
146  
乙



尚書卷第四



鄭氏注

遂人為燧皇伏羲為戲皇神農為農皇也遂人以火  
紀火大陽也陽尊故託燧皇于天伏羲以人事紀故  
託戲皇于人蓋王非人不固人非天不成也神農以  
地紀悉地力種穀疏故託農皇于地天地人之道備  
而三五之運興矣

堯八眉舜四瞳子禹其跳湯扁文王四乳八眉者如

八字者也其跳者踣也

其發聲也踣步足不能相過也

扁者枯也

言

體牛小

家扁枯言皆不善也

狄人將攻太王亶甫召耆老而問焉曰狄人何欲耆

老對曰欲得菽粟財貨太王亶甫曰與之每與而攻

不免太王亶甫贊其耆老而問之曰狄人又何欲乎

耆老對曰欲君之土地太王亶甫曰與之耆老曰君

不為社稷乎太王亶甫曰社稷所以為民也不可以

所為民者害民也耆老對曰君縱不為社稷不為宗

廟乎太王亶甫曰宗廟吾私也不可以吾私害民也

遂策杖而去過梁山邑岐山

梁山在岐山東北國人在岐山在梁山西南

束脩奔走而從之者三千乘一止而成三千戶之邑

烟氛郊社不修山川不祝風雨不時霜雪不降責于

天公臣多弑主嬖多殺宗五品不訓責于人公城郭

不繕溝池不修水泉不修水為民害責于地公

子贛曰傳云堯舜之王一人不刑而天下治教誠而

愛深也

虞人與芮人質其成于文王入文王之境則見其人

萌讓為士大夫入其國則見士大夫讓為公卿二國

相謂曰此其君亦讓以天下而不居也讓其所爭以爲閒田

周文王至磻溪見呂望釣文王拜之尚父曰望釣得魚腹中有玉璜刻曰周受命呂左檢德合于今昌來提

宣王問于子春日寡人欲行孝弟之義爲之有道乎

宣王齊君陳敬仲之後也子春日昔者衛聞之樂正子曰文王之

治岐也五十者杖于家六十者杖于鄉七十者杖于

朝朝當爲國見君揖杖揖當爲去八十者杖于朝見君揖杖揖挾

也君曰趣見客毋俟朝不欲久停老者也古者七十致仕來者客之也以朝

乘車輜輪乘車安車言輜輪明其小也御爲僕送至于家御君之御也

而孝弟之義達于諸侯九十杖而朝見君建杖建樹也

君曰趣見毋俟朝以朝車送之舍天子重鄉養舍館也重

猶尊也養以禮食之也卜筮巫醫御于前祝饗祝鯁以食乘車

輜輪胥與就膳徹胥樂官也就成也胥成膳徹謂以樂食之也送至于家

君如有欲問明日就其室以珍從明日而孝弟之義

達于四海此文王之治岐也君如欲行孝弟之大義

盍反文王之治岐學禮帝入東學上親而貴仁則親

疏有序而恩相及矣帝入南學上齒而貴信則長幼  
有差而民不誣矣帝入西學上賢而貴德則聖智在  
位而功不匱矣帝入北學上貴而尊爵則貴賤有等  
而下不偷矣諭與踰同謂越制成王年十五亦入諸  
學觀禮布政四學者東序瞽宗虞庠及  
四郊之學也春氣溫養故上親夏物盛小大殊故尚  
齒秋物成故貴德冬時物藏于地唯象于天半見也  
故尚帝入大學承師問道退習而攷于太傅太傅罰  
其不則而達其不及則德智長而治道得矣此五學  
者既成于上則百姓黎民化輯于下矣

古之帝王者必立大學小學禮志曰小學在公  
宮之左大學在郊使王

大子王子羣后之子以至公卿大夫元士之適子十  
有三年始入小學見小節焉踐小義焉年二十入大  
學見大節焉踐大義焉故入小學知父子之道長幼  
之敘入大學知君臣之儀上下之位故為君則君為  
臣則臣為父則父為子則子小師取小學之賢者登  
之大學大師取大學之賢者登之天子天子以為左  
右天子當為大子禮志曰周公居攝踐阼而治亢世  
子法于伯禽使之與成王居欲使成王之知父子  
君臣長幼之義所以善成王也  
大夫士七十致仕退老歸其鄉里大夫為父師士為

少師新穀已入榘鉏已藏祈樂已入歲事既畢餘子

皆入學

餘子謂庶子也古者適子恒代父而仕也

十五始入小學見小節

踐小義十八入大學見大節踐大義

小節小義正謂始口典口師受

業大節大義謂博習盡誠也

距冬至四十五日始出學傳農事

立春

止學上老平明坐于右塾庶老坐于左塾餘子畢出然

後皆歸夕亦如之

上老父師也庶老少師也

餘子皆入父之齒隨

行兄之齒鴈行朋友不相踰輕任并重任分頒白不

提挈出入皆如之此之謂造士小義謂平二十八人

祀上帝于南郊所以報天德卽春迎日于東郊所以

為萬物先而尊事大也

迎日之辭曰維某年某月上日明光于上下勤施于

四方旁作穆穆維予一人某敬拜迎日于郊

天子諸侯必有公桑蠶室就川而為之築官有三尺

官當為宮雉長三丈高一丈度長以長度高以棘廡高則蠶宮高一丈禮志曰似有三尺七尺曰似

而外閉之大昕之朝三公之夫人浴種于川世婦卒

蠶獻繭于夫人

此諸侯之禮天子則獻繭于后

繅三盆手

手猶親也言后夫人

親以手總之也

天子太子年十八曰孟侯

孟迎也

孟侯者于四方諸侯

來朝迎于郊者問其所不知也問口人民之好惡土地所生美珍怪異山川之所有無及父在時皆知之

十八禱曰大學為成人博問庶事也

傳曰已有三牲必田狩者孝子之意以為已之所養

不如天地自然之性逸豫肥美禽獸多則傷五穀因

習兵事又不空設故因以捕禽獸所以共承宗廟示

不忘武備又因以為田除害鮮者何也秋取嘗也取

嘗秋取嘗何以也習鬪也者男子之事戰鬪不可不

習故于搜狩以閑之也閑之者貫之也貫之者習之

也凡祭取所餘獲陳于澤

澤射宮也

然後卿大夫相與射

也中者雖中不取也命不中者雖中不取何以也所

以貴揖讓之取而賤勇力之取也彘之取也于囿中

勇力之取也今之取也于澤宮揖讓之取也澤習禮

之處非所以行禮其射又主中

祭之為言祭也察之為言察也察者至也至者人事

也人事至然後祭祭者薦也薦之為言在也在者在

其道也

禮志曰君子生則敬養死則敬饗也

聖人在位其君不誦無用之言其工不作無用之器

其商不通無用之物

晉平公問于師曠曰吾年七十欲學恐已莫師曠曰臣聞老而學者如執燭之明執燭之明孰與昧行公曰善

子贛曰葉公問政于夫子子曰政在附近而來遠魯哀公問政子曰政在于論臣齊景公問政子曰政在于節用三君問政夫子應之不同然則政有異乎子曰荆之地廣而都狹民有離志焉故曰在于附近而來遠哀公有臣三人內比周以惑其君外障距諸侯

賓客以蔽其明故曰政在論臣齊景公奢于臺榭淫于苑囿五官之樂不解一旦賜人百乘之家者三故曰節用

東郭子思問于子贛曰夫子之門何其雜也子贛曰夫隳楛之旁多枉木良醫之門多疾人砥礪之旁多頑鈍夫子聞之曰修道以俟天下來者不止是以雜也

子曰心之精神是謂聖子曰君子不可以不學見人不可以不飭不飭無貌



尚書大傳 卷四 七  
無貌不敬不敬無禮無禮不立夫遠而光者飭也近而逾明者學也譬之如圩邪水潦集焉菅蒲生焉從上觀之誰知其非源水也

子夏讀書畢見于夫子夫子問焉子何爲于書子夏對曰書之論事也昭昭如日月之代明離離若星辰之錯行上有堯舜之道下有三王之義商所受于夫子志之于心弗敢忘也雖退而巖居河濟之間深山之中作壤室編蓬戶尚彈琴其中以歌先王之風則可以發憤愴慨忘已貧賤有人亦樂之無人亦樂之

而忽不知憂患與死也夫子造然變色曰嘻子殆可與言書矣雖然見其表未見其裏也顏淵曰何謂也子曰闕其門而不入其中觀其奧藏之所在乎然藏又非難也邱嘗悉心盡志以入其則前有高岸後有大谿填填正立而已是故堯典可以觀美禹貢可以觀事咎繇可以觀治鴻範可以觀度六誓可以觀義五誥可以觀仁甫刑可以觀誠通斯七觀書之大義舉矣

尚書大傳卷四

尚書大傳三卷宋志猶存近代學士大夫多不聞有是書吾鄉孫晴川氏之驟嘗於羣書中鈔撮蒼萃以求合於前志之數其用力可謂勤矣文昭嘗得其書而讀之如鴻範五行傳不逮文獻通考所載之詳而其間反有以向歆之文闌入之者與伏生書大不類至若弋耆甫刑仍作戡黎呂刑殊不契勘竊思因其規模少加增損然載籍浩繁非一日所能盡偶有綴緝未必有功於本書也吾宗雅雨先生尊經嗜古訪求此書爲刊而行之文昭得之以校孫氏之書其詳

尚書大傳三卷宋志猶存近代學士大夫多不聞有是書吾鄉孫晴川氏之驟嘗於羣書中鈔撮蒼萃以求合於前志之數其用力可謂勤矣文昭嘗得其書而讀之如鴻範五行傳不逮文獻通考所載之詳而其間反有以向歆之文闌入之者與伏生書大不類至若弋耆甫刑仍作戡黎呂刑殊不契勘竊思因其規模少加增損然載籍浩繁非一日所能盡偶有綴緝未必有功於本書也吾宗雅雨先生尊經嗜古訪求此書爲刊而行之文昭得之以校孫氏之書其詳

備實勝之至篇目有互異編簡有先後則皆出於掇拾之餘而非復隋唐以來之完書然求其所闕佚者殆亦尠矣其間傳寫異同蓋所不免因爲作者異若干條且念孫氏苦心蒐討不爲無功凡有可以裨益是書者亦慎取而集錄之以繫於後使有所附以傳焉孫書召誥傳有大社唯松東社唯柏南社唯梓西社唯栗北社唯槐之文蓋本諸白虎通然北史劉芳傳引此以爲尚書逸篇未必卽是大傳故余作補遺亦不復載然書中如王曰若圭璧及丕天之六律亦

逸篇也則此亦不可以遺也故復取以綴於此云仁  
和盧文弢識



得命然後棄飾車駢馬衣文駢錦 下駢字衍別本無  
納之大麓之野 別本作致天下於大麓之野

在璇機玉衡以齊七政注七政謂春夏秋冬夏天文地  
理人道所以為七政也人道盡而萬事順成 案史

記正義引大傳齊中也七政謂春夏秋冬夏天文地  
理人道所以為政也道正而萬事順成故天道政

之大也玉海亦引此並不云注別本有鄭氏注云  
轉運者為機持正者為衡又索隱引鄭注大傳云

渾儀中筩為璇機外規為玉衡

諸侯執所受圭以朝於天子瑞也者屬也 案白虎

通文質篇引此諸侯執所受圭與璧以朝於天子

多與璧 在瑞也者屬也五字之下又下能改過者

二字 作能正行者 又今本下文圭不復而地畢削脫畢

字 此謂諸侯之朝於天子也舊本無

水為民害則責之司空 別本作水為民害田廣不

墾則責之司空

禮縵縵兮 別本作紉縵縵兮

還於賢聖 別本作遷於賢聖

軒乎僂之 別本作軒乎僂之

夫山者嵬嵬然高崐然高則何樂焉 別本作夫山

者崐然高崐然高則何樂焉

夏以平旦為朔殷以雞鳴為朔周以夜半為朔 白

虎通二正篇引此作夏以十三月為正色尚黑以

平旦為朔殷以十二月為正色尚白以雞鳴為朔

周以十一月為正色尚赤以夜半為朔又下二三

月白虎通引作二月後

周以至動殷以萌夏以牙注謂三王之政也 別本

作謂三王之正月也又下冬至日別本作冬至

日亡則吾亦亡矣 別本作日有亡哉日亡吾亦亡

矣

南徙十里止於不齊 別本作南徙千里

白魚入於舟中跪取出涖以燎 別本作有白魚入

於王舟王跪取出一作燎此下有鄭注云燔魚以

祭變禮也

惟丙午王還師 劉歆三統歷引今文大誓云丙午

逮師

前歌後舞 詩大明疏引大誓云前歌後舞假於上

天下地咸曰孜孜無怠 白虎通禮樂篇引前歌後舞假於上下疏所引天地

二字 此本脫假於上下二句

不愛人者及其肯餘 他書引大傳多作不愛人者

及其儲胥 肯卽胥字

麥秀蘄兮黍禾蠅蠅 文選注引大傳作麥秀漸漸

兮禾黍油油

久矣天之無別風淮雨 文心雕龍云帝王世紀作

列風淫雨列淫義當而不奇別淮理違而新異

居而無食謂之困 別本有鄭注云止居曰食謂米

也

二三子往觀之 別本作二子下並同

四年建侯衛五年營成周六年制禮作樂七年致政

別本作七年致政成王又有鄭注云建侯衛是封

衛侯康誥論封衛之事是四年作康誥也召誥論

營洛邑成周之事是五年作召誥也洛誥論致政

成王之事是七年作洛誥也 不類鄭注

庶人有石承注當柱下而已不出外為飾也 疑當

作不以外出爲飾

遂踐奄此本在成王政篇案詩正義引此云多方

傳鄭有注云奄國在淮夷之旁周公居攝之時亦

叛王與周公征之三年滅之自此而來歸

奸宄盜攘人者別本作奸宄盜攘傷人者

堯舜之主二人刑而天下治別本作堯舜之聖一

二人刑而天下治又下注云二人俱擧竊疑亦是一

人具擧之義

獄貨非可寶也然後寶之者別本無後字

未有能其功者也別本作未有能成其功者也

聽訟雖得其指指亦本作情

昔古三王愨然欲錯刑遂罰別本昔古作昔者

建用王極文獻通考引此作建立王極

維金沴木注凡貌言視聽一事失則逆人之心通

考貌言視聽下有思心二字

言之不從是謂不义通考又作艾下並同

厥咎荼注君視不瞭則荼緩矣別本視作臣

時則有草妖注草視之物可見者莫衆於草通考



無草視之三字

厥罰恒風注思心曰土土主四時四時主消息生殺

長藏之氣通考作土王四時此下不重四時二字

厥罰恒陰注天陰養萬物陰氣失故恒陰也通考

作養氣失

六事之機以垂示我一本垂作縣

廢祭祀注牽牛主祭祀一本注末多之牲二字

則金不從革注故治之不銷治一本作冶

蓋王非人不固人非天不成也案風俗通引大傳

作蓋天非人不因人非天不成也又下種粢疏粢

當作穀形近而訛

太王亶甫贅其耆老而問之曰此下別本有鄭注

云贅為屬

遂策杖而去別本策杖作杖策

烟氛郊社不脩別本作太師天公也太傅地公

也太保人公也烟氛不脩山川不祀風雨不時雪

霜不降責在天公城郭不繕溝池不脩水泉不隆

責在地公臣多弑主孽多殺宗五品不訓責在人

公與此本小異

宣王問於子春大別本作春子下同

所以為萬物先而尊事大也大別本作天

閑之者貫之也周禮疏引此閑作閱貫作串上下

文並同

中者雖中不取也命不中者雖中不取何以也儀

禮鄭注引此作中者雖不中也取句不中者雖中

也不取句何以然

祭之為言祭也察之為言察也案當作祭之為言

察也

十四祀笙管變天大雷雨疾風案路史又作十有

四祀鍾石笙筦變聲樂未罷疾風發屋天大雷雨

帝沈首而笑曰明哉非一人天下也乃見於鍾石

比此尤詳

高山大川五嶽四瀆之屬白虎通巡狩篇引大傳

五嶽謂岱山霍山華山恒山嵩山也江河淮濟為

四瀆

爾雅疏引虞夏傳霍山為南嶽

丕天之律漢郊祀志引今文云正稽古立功立

事可以永年丕天之大律鄭注云丕大也律法也  
朔而月見東方謂之側匿注側匿猶縮縮行遲貌  
藝文類聚引大傳云朔而月見東方謂之朒亦謂  
之側匿注云朒縮遲貌側匿猶縮懦也亦遲貌  
君政急則日行疾月行徐臣逡遁不進飢則侯王其  
徐徐緩也君政緩日行徐月行疾臣放恣也 飢乃  
朒字之訛朒則侯王其荼荼緩也已見上文此覆  
出當刪

殺君之地雖生美菜有義之士弗食 又一作大夫

有汙豬之宮雖生美菜有義之士弗食

子夏乃遷延而退 困學紀聞引大傳作子夏葉拱  
而進

尚書大傳考異

尚書大傳

取

尚書大傳補遺  
 虞夏以書而敷 困學錄聞曰大幹卦于夏葉其  
 序中節之宮輒由美柔有難之士束食 一作大夫  
 而敷 困學錄聞曰大幹卦于夏葉其  
 虞夏以書而敷 困學錄聞曰大幹卦于夏葉其  
 序中節之宮輒由美柔有難之士束食 一作大夫

尚書大傳補遺

乃命五史以書五帝之蠱事

伏曼容周易注見李氏集解

黃帝多問而齊給注云齊疾也

五帝紀注

大庭氏王天下五風竝異

釋史三

古之人衣上有冒而句領者注云言在德不在服也

古之人三皇時也冒覆項也句領繞頸也禮正服方

領也

荀子注

堯見天因郃而生后稷因之

詩生民正義

堯時麒麟在郊藪

詩麟趾正義

便在伏物

史記索隱

便秩東作

五帝紀注

分命和仲度西曰柳穀

周禮縫人注疏云是濟南伏生書

舜耕于歷山堯妻之以二女屬其九子也贈以昭華

之玉

尚書正義

舜以天德嗣堯西王母來獻白玉瑄

玉海

舜漁于雷澤之中注云雷夏沅州澤今屬濟陰

史記注

御覽七十九八百三十三

舜耕于歷山陶于河濱販于頓正就時負夏注云歷

山在河東負夏衛地

史記索隱

舜不登而高不行而遠拱揖于天下而天下稱仁

御覽

八十一四

舜好生惡殺鳳皇巢其樹

御覽九百十五玉海百九十九

成王問周公曰舜何人也曰其政好生而惡殺

文選

舜耕于歷山夢眉與髮等

尚書正義

未命為士車不得有飛軫注云如今窻車也

文選四十八

未命為士不得朱軒注云軒輿也士以朱飾之

文選十六

以賢制爵以庸制祿故人慎德興功輕利而興義

史路

後紀

十

維五祀興韶樂于大鹿之野十四祀笙管變天大雷

雨疾風路史發

搏拊鼓振以秉琴瑟練絲徽弦白虎通

高山大川五嶽四瀆之屬史記注東遼底平大而高平

者謂之太遠水經注六下而平者謂之隰隰之猶言濕也

御覽五十七下濕曰隰詩隰桑正義非水無以準萬里之平非

水無以通遠道任重也御覽五十八大水小水東流歸

海也文選二百川趨于海上禹莫南方霍山注云謂

奠祭也夏傳雨漢刊誤補遺

五嶽皆觸石出雲扶寸而合不崇朝而雨天下注云

四指為扶音膚御覽八後漢紀三

夏后氏主教以忠士喪禮疏略說

桀殺刑彌厚而民彌暴故爾梁遠遂以是亡往云故

爾窮其近也梁讀為掠殷傳路史御覽八

桀無道囚湯後釋之諸侯八譯來朝者六國御覽八

北堂書漢南諸侯聞之歸之四十國路史後紀

湯大旱七年禱于桑林之社而雨大旦左傳

景亳之命費昌為御路史後紀

未命為士者不得乘飾車

殷傳 攷工 與人職疏

五年之初得散宜生等獻寶而釋文王文王出則克

黎六年伐崇則稱王

殷傳 文王 世子正義

問人以仁接民而天下莫不仁故曰大矣注云言文

王仁故謂之大矣

御覽四 百十九

丕天之太律注云奉上之大法

翻譯名義 集九卷

晦而月見西方謂之朏朏則侯王其荼朔而月見東

方謂之側匿側匿則侯王其肅注云朏條也條達行

疾貌荼緩也側匿猶縮縮行遲貌肅急也日君象也

月臣象也君政急則日行疾月行徐臣遠遁不進飢

則侯王其徐徐緩也君政緩日行徐月行疾臣放恣

也

五行傳

後漢蔡邕傳注

明

雲起于山彌于天

五行傳 文選

風屬中央雨屬東方

玉海五 御覽

明王踐位則日儷其精重光以見吉祥

文選五十五 以上俱見洪

範五 行傳

大戰篇云大公曰罵女毋歎唾女毋乾毋歎毋乾是

謂艱難

吳曾能改 齋漫錄

翼佐文武身有殊勛世祚大公以表東海詩文王正義

周公兼思三王之道以施于春秋冬夏困學紀聞

帝命周公踐阼朱草暘生御覽八百七十三

周公輔幼主不矜功蕢茨生注云矜夸也同上又文選注

王者德及皇天則祥風起御覽九初學記一王者德下究地

之厚則朱草生御覽八百七十三云德光地序則朱草生

肅雝顯相注云四海敬和明德來助祭詩清廟正義

周民可比屋而封文選六

周人之教以文上教以文君子其失也小人薄注云

文謂尊卑之差制也習文法無悃誠也御覽

宗子燕族人于堂宗婦燕族人于房序之以昭穆爽

疏傳

周人路寢南北七雉東西九雉室居二雉注云雉長

三丈度高以高度長以長攷工匠人疏玉海百五十五

古者中刑用鑽鑿御覽七百六十四

殺君之地雖生美菜有義之士弗食御覽六百七十六

古者聖帝之治天下也五十以下非蒸社不敢遊飲

在六十以上遊飲也大戴禮注



圻者天子之境也諸侯曰境天子游不出封圻不告  
祖廟諸侯非朝聘不出境注云周禮方千里曰王圻  
詩曰邦圻千里惟民所止路史國名紀信儀禮經傳通解續

王者躬耕所以供粢盛

文選

廟者貌也其以貌言之也

藝文類聚三十八

古者諸侯于天子五年一朝見其身述其職述其職

者述其所職也

文選八 二十 六 五十四

戰者憚驚之也

御覽三百四 文類聚五十九

三百八 白虎通 藝

三王之始如環之無端如水之勝火

御覽七 十六

王者一質一文據天地之道

白虎通

有德者尊其位而重其祿

御覽一百三

北辰謂之耀魄

北堂書鈔百五十一

魏文侯問子夏子夏乃遷延而退

文選四十四

夏刑三千條

長孫無忌律疏序

大夫七十而致仕老于鄉里名曰父師士曰少師以

教鄉人子弟于門塾之基而教之學焉

儀禮鄉飲酒禮疏

尚書大傳補遺



碩人詩曰衣錦尚黼

說文

外無曠夫內無怨女

詩正義

舜讓於德不怡

索隱引今文

七政布位日月時之正五星時之紀日月有薄食五

星有錯聚七者得失在人君之政故謂之為政

玉海

五年一朝王者亦貴得天下之歡心以事其先王因

助祭以述其職故分四方諸侯為四輩輩主一時

公羊

疏引虞傳

矜寡孤獨天民之窮而無告者皆有常餼

詩正義

惟刑之謚哉

史記集解引今文

帝猶反側晨興闢四門來仁賢

詩正義文選注

天工人其代之傳曰夫成天地之功者未嘗不蕃昌

也

潛夫論思賢篇

予欲聞六律五聲八音采政忽

索隱引今文

拊革著以糠

白虎通引尚書大傳周禮正義云白虎通引大傳云拊革裝之以糠今書傳無

者在亡逸中

正朔所不加即君子所不臣也

白虎通

湛濁為地又曰積陰為地故地者濁陰也地不滿東

南故水潦塵埃歸焉

河色黃赤衆川之流蓋濁之積也百里一小曲千里一大曲一直

往古之時四極廢九州裂於是女媧殺黑龍以祭冀州鄭注云冀州取地以為名也其地有險有易帝王所都亂則冀治弱則冀彊荒則冀豐也

堯南撫交趾於禹貢荊州之南垂幽荒之外故越也

水經注

滄盤之水出崦嵫山

禹鐵

索隱引今文

榮播既都

今文

被明都

今文

文皮千合

索隱

予辛壬娶塗山癸甲生啟

索隱云今文

禹成五服齒革羽毛器乃備

禹貢合注

貌屬木言屬金視屬火聽屬水思屬土水火者百姓之求飲食也金木者百姓之所興作也土者萬物之所資生也是為人用

尚書正義

尚書大傳 卷之八 伊尹母孕行汲水化為枯桑其夫尋至水濱見桑穴  
中有兒乃收養之

伊尹相湯伐桀戰於鳴條 春秋地名考

詩云非知之艱行之惟艱 周禮正義

文王受命四年伐昆夷采薇為伐昆夷而作

司馬在前 詩大明疏引秦誓周禮序引夏傳

有火自上復於下至於王屋流為烏其色赤其聲魄

今文大誓索隱云今文作流為鵬

武王伐紂都洛邑未成陰寒大雪深丈餘甲子旦不

知何五大夫乘馬車從兩騎止於門外王使師尚父  
謝賓幸臨之尚父使人持一器粥出進五車兩騎軍  
使者具以告尚父曰五車兩騎四海之神與河伯兩  
師耳尚父各以其名進之五神皆驚相視而歎

天一生水地三生火天三生木地四生金前四疇乃  
王極之體所以建故配其生數地六成水天七成火  
地八成木天九成金後四疇乃王極之用所以行故  
配其成數天五生土故配之以王極一二三四皆由  
五數而成六七八九是水火木金皆賴乎土而成此

王極所以為八疇之要樞也

太平御覽

君道虧則日蝕人憤怒則水涌溢陰氣積則下代上

郭璞注疏云引洪範傳

月生三日謂之魄鄭注云魄亦作胃

尚書五行傳

心之大星天王也其前星太子也後星庶子也

洪範五行

傳

辰星者北方水精也

文選注

地者成萬物也

北堂書鈔引鴻範五行傳

夏不數浴非愛水也冬不數煬非愛火也

尚書

著之為言著也百年一本生百莖此草木之壽亦知

吉凶者聖人以問鬼神

周易音義藝文類聚引洪範五行傳

季夏可以大赦罪人

歷者聖人所以揆天行而紀萬國也

北堂書鈔引尚書鴻範五行傳

雷與天地為長子以其首長萬物與其出入也

霜者殺伐之表雨雪者陰之蓄積甚也

夫握方諸之鏡處深澤之下而上引大清物類相隨

可不慎耶

成王之幼云在襁褓褓縛兒被也

詩正義

成王問周公曰舜之冠何如焉周公曰古之人有冒皮而勾頓然鳳皇巢其樹麒麟聚其域也

北堂書鈔荀子注

一條已具補遺中其文與此相似當是一時之言

周公疾曰吾死必葬於成周示天下臣於成王也周公死天乃雷雨以風禾盡偃大木斯拔國恐王與大夫開金滕之書執書以泣曰周公勤勞王家予幼人弗及知乃不葬于成周而葬之于畢示天下不敢臣

師古引尚書大傳又一本周公薨成王欲葬之于成周天乃雷電以風禾即盡偃大木斯拔周人大恐王乃葬周公于畢示不敢臣也

天子有事諸侯皆侍以畢之義

儀禮疏

綴之以食而弗殊有族食族燕之禮也

夏后逆於廟庭殷人逆於堂周人逆於戶

公羊疏

凡羣妃御見之法月與后妃其象也卑者宜先尊者

宜後自九嬪以下九九而御于王所女御八十一人

當九女世婦二十七人當三夕九嬪九人當一夕三

夫人當一夕后當一夕十五日而徧望後反之凡進

御君所女史必書其日月授之以環以進退之生子

月辰則以金環退之當御者以銀環進之箸于左手

既御箸于右手孔子曰日者天之明月者地之理陰  
契制故月上屬為天使婦從夫放月紀一本有陽字

黃帝妃嫫母于四妃之班居下貌甚醜而最賢心每

自退

擊命玉海云大傳以同命為擊命

夏后氏不殺不刑死罪罰二千錕索隱引大傳其文已見前然此尤詳

夏刑大辟二百臙辟三百宮辟五百劓墨各千周禮疏

上刑挾輕下刑挾重劉愷傳

天齊乎人假我一日後漢楊賜傳

奏百人之樂致元鶴之舞北堂書鈔

周公封以魯身未嘗居魯也文選注

伯禽將歸于魯周公謂伯禽之傅曰汝將行盍志而

子美德乎對曰其為人寬好自用以慎此三者其美

德也已周公曰嗚呼以人惡為美德虐君子好以道

德故其民歸道彼其寬也出無辨矣是其好自用也

以斂益之也彼其慎也是其所以淺也吾語女我文

王之子武王之弟成王之叔父吾於天下不賤矣然

而吾所執贄而見者十人還贄而相見者二十人貌



執之士百有餘人欲言而請畢事者千有餘人於是  
 吾僅得三士焉以正吾身以定天下吾所以得三士  
 者亡於十人與三十人中乃在百人與千人之中故  
 上士吾薄爲之貌下士吾厚爲之貌人人皆以我爲  
 越踰好士然故士至士至而後見物見物然後知是  
 非之所在戒之哉汝其以魯國驕人幾矣鄭注云贊  
 者所執以至也君子見於所尊敬必執贊以將其厚  
 意也十人公卿之中也三十人羣士之中也百人羣  
 大夫之中也

荀子注案此本第二卷所載  
與此文有詳略故具著焉

周初淮浦徐州並起爲寇伯禽伐之于鮮作鮮誓

棗誓曰敷乃獲斂乃阱

周禮注正義云今文

汝則有逸罰

爾雅注疏云今文

鳳凰在列樹

論衡

澤障曰陂

新唐書

古者聖帝之治天下也五十已下非烝祭不敢遊飲

唯六十以上遊飲也

大戴禮注

火發於密水洩於深

萬卷菁華前集

道是周公也克是太公也

按大戴記賈子新書克作充

彌是召公

也承一作承是史佚也故成王中立而聽朝則四聖而

維之同上

舜之在位也端由北極同上

清而明者天之體晉天文志引鴻範傳

正月雷微動而雉雊雷諸侯之象也雉亦人君之類

也初學記

人君嫉賢疾善在下謀上則日蝕雨電殺走獸太平御覽

凡有所害謂之災無所害而異於常謂之異害為已

至異為方來

雲者起於山彌於天二句已見陰氣也王者失中臣下敢

蔽君不明則雲陰象多蔽天光有雲如衆謂風師法

有大兵同上

沙麓者山林也

長狄之人長蓋五丈餘也

言周將興之時有大赤鳥銜穀之種而集王屋之上

者武王喜諸大夫皆喜周公曰茂哉茂哉天之見此

以勸之也春秋繁露

伏羲氏作八卦 路史注

伏羲氏沒神農氏作神農氏沒黃帝堯舜氏作 羅璧識遺

風俗通五帝下有謹案易尚書大傳云云孫氏遂取黃者光也以下入於此書但風俗通亦未分析

言之故今不錄

言今不錄

今不錄

今不錄

今不錄

尚書大傳續補遺

